



Notat

Dato: 13.05.2014
Arkivsak: 2014/13073-3
Saksbehandlar: nilgrud

Til: Samferdselsutvalet

Frå: Fylkesrådmannen

Feilmeldingsteneste for fylkesvegar og system for at lokalkunnskap om flomfare og andre risiki for ulykker kan bli meldt til vegstyresmaktene

På møte i samferdselsutvalet 18.11.13 sette representanten Alf Helge Greaker (V), i samband med melding til samferdselsutvalet nr. 170/13, fram forslag om at det vert oppretta ei meldingsteneste for feil og manglar ved fylkesvegnettet på linje med Bergen kommune si nettbaserte teneste der ein kan melde inn feil på ei rekke områder. For fullstendig innsyn i oversendingsforslaget sjå møtebok for samferdselsutvalet for 18.11.13.

På møte i samferdselsutvalet 22.01.14, i samband med melding nr. 9/14 til samferdselsutvalet, sette representanten Tom Skauge fram slikt oversendingsforslag:

«Rådmannen tek initiativ til eit betre system for at lokalkunnskap om flomfare og andre risiki for ulykker kan bli meldt inn til vegstyresmaktene.»

Samferdselsavdelinga sendte i brev av 06.03.14 dei to oversendingsforslaga over til vidare sakshandsaming i Statens vegvesen. Det ligg no i brev av 06.05.14 føre svar frå Statens vegvesen (sjå vedlegg).

Fylkesrådmannen viser til svara frå Statens vegvesen og har elles ikkje nokon merknader.

